

十誦律卷第四十七

宜七

姚秦三藏弗若多羅共三藏鳩摩羅什譯

第七誦之三之餘

六法壇文共十
六事

佛在舍衛國爾時舍衛城有居士婦名和羅

呵大富多財田宅種種富相成就居士婦

以無常因緣故財物失盡家人分散唯一身

在是居士婦有娠以憂愁失親里財物夫婿

故身自消瘦兒胎小縮作是念我腹中兒若

死若爛又作是念諸福德樂人無過沙門釋

子我當是中出家作比丘尼便往詣王園精

舍作比丘尼是人出家歡樂肥故腹漸漸大

諸比丘尼驅出僧坊汝犯姪人莫住此間答

言我出家來不作姪欲先在家時有娠諸比

丘尼以是事向佛廣說佛語諸比丘尼汝莫

說是比丘尼是事是比丘尼非破梵行先白

衣時有娠從今聽沙彌尼二歲學六法可知

有娠無娠受六法者若沙彌尼初來應教次

第頭面人人禮僧足禮僧足已次應乞和尚

尼戒師應教言我沙彌尼某甲求尊為和尚

尼尊為我作和尚尼故僧當與我二歲學戒

第二亦應言我沙彌尼某甲求尊為和尚尼

尊為我作和尚尼故僧當與我二歲學戒第

三亦應言我沙彌尼某甲求尊為和尚尼尊

為我作和尚尼故僧當與我二歲學戒一比

丘尼應問和尚尼能為某甲作和尚尼不若

言能即應將至界場內著眼見處離聞處

爾時應問僧和合不僧一心和合當作僧事

是和尚尼某甲沙彌尼某甲僧當與二歲學

戒第二亦應言僧一心和合當作僧事是和

戒第二亦應言僧一心和合當作僧事是和

尚尼某甲沙彌尼某甲僧當與二歲學戒第三亦應言僧一心和合當作僧事是和尚尼某甲沙彌尼某甲僧當與二歲學戒若僧一心和合者應喚沙彌尼來教一一禮比丘尼僧足頭面禮足已次應教令從僧乞二歲學戒作是言我沙彌尼某甲因和尚尼某甲從僧乞二歲學戒因和尚尼某甲僧當與我二歲學戒沙彌尼某甲因和尚尼某甲從僧乞二歲學戒因和尚尼某甲僧當與我二歲學戒和尚尼某甲憐愍故第三亦應言我沙彌尼某甲因和尚尼某甲從僧乞二歲學戒因和尚尼某甲僧當與我二歲學戒和尚尼某甲憐愍故即時戒師應僧中唱言大德尼僧聽是沙彌尼某甲因和尚尼某甲從僧乞二歲學戒

和尚尼某甲若僧時到僧忍聽僧與沙彌尼某甲二歲學戒和尚尼某甲如是白大德尼僧聽是沙彌尼某甲從僧乞二歲學戒和尚尼某甲僧今與沙彌尼某甲二歲學戒和尚尼某甲誰諸尼僧忍與沙彌尼某甲二歲學戒和尚尼某甲者默然若不忍者說是名初羯磨第二更說大德尼僧聽是沙彌尼某甲從僧乞二歲學戒和尚尼某甲僧今與沙彌尼某甲二歲學戒和尚尼某甲誰諸尼僧忍與沙彌尼某甲二歲學戒和尚尼某甲者默然若不忍者說是名第二羯磨第三更說大德尼僧聽是沙彌尼某甲從僧乞二歲學戒和尚尼某甲僧今與沙彌尼某甲二歲學戒和尚尼某甲誰諸尼僧忍與沙彌尼某甲二歲學戒和尚尼某甲者默然若不忍者說是

名第三羯磨僧已與沙彌尼某甲二歲學戒
竟僧忍默然故是事如是持

即時爲說式又摩尼六法汝式又摩尼聽佛
世尊多陀阿伽度阿羅訶三藐三佛陀是知
者見者說式又摩尼六法汝式又摩尼盡形
壽行佛世尊種種因緣呵欲欲想欲欲覺
欲熱佛說斷欲除欲想滅欲熱若式又摩尼
入式又摩尼法不捨戒戒羸不出相隨心法
受姪欲乃至共畜生是非式又摩尼非沙門
尼非釋女失式又摩尼法是事盡形不應作
若能持者當言能佛世尊以種種因緣呵責
偷奪讚歎不偷奪乃至一條縷一寸納一滯
油不與不應取是中佛制極少至五錢若五
錢直若式又摩尼隨所偷事若王捉若打若
縛若擯出若作是言汝賊汝小兒汝癡汝墮

官罪若式又摩尼如是偷奪者非式又摩尼
非沙門尼非釋女失式又摩尼法是事盡形
不應作若能持者當言能佛世尊種種因緣
呵責殺生讚歎離殺乃至蟻子尚不應故奪
命何況於人若式又摩尼故自手奪人命若
與刀若教死歎死作是言咄人用惡活爲死
勝生隨是人意種種因緣教死歎死若作憂
多殺作頭多殺作掘作網作撥若作毗陀羅
若作似毗陀羅若斷氣殺若隨胎殺若按腹
殺若推著火中水中從高推下若遣使道中
殺若母腹中初受二根身根命根五七哥羅邏中
生惡心方便令奪命若以是因緣死者是非
式又摩尼非沙門尼非釋女失式又摩尼法
是事盡形不應作若能持者當言能佛種種
因緣呵責妄語讚歎不妄語乃至戲笑尚不

應妄語何況故妄語若式又摩尼不知不見
過人法自言我如是知如是見我是阿羅漢
向阿羅漢我是阿那含向阿那含若斯陀舍
向斯陀舍若須陀洹向須陀洹若得初禪第
二禪第三禪第四禪若得慈悲喜捨無量心
若得無色空處定識處定無所有處定非想
非非想處定若得不淨觀阿那般那念諸天
來到我所諸龍夜叉薜荔伽毗舍闍鳩槃荼
羅刹來到我所彼問我我答彼我問彼彼答
我若式又摩尼如是妄語者非式又摩尼非
沙門尼非釋女失式又摩尼法是事盡形不
應作若能持者當言能佛種種因緣呵欲欲
想欲欲覺欲熱佛說斷欲除欲想滅欲熱
若式又摩尼有漏心聽漏心男子邊髮際至
腕膝已上裸身受細滑若順身摩若逆摩若

五七

五

推若牽若從下抱著上若從上抱著下若拵
瘡是非式又摩尼非沙門尼非釋女失式又
摩尼法若犯者可更受是中盡形不應作汝
能持不若能持當言能佛種種因緣呵欲欲
想欲欲覺欲熱讚歎斷欲除欲想滅欲熱
若式又摩尼漏心聽漏心男子邊若受捉手
若捉衣若共立若共語若共期若入屏處若
待男子若自身與如在家女法以此八事自
身與是非式又摩尼非沙門尼非釋女失式
又摩尼法若犯可更受是中盡形不應作汝
能持不若能當言能汝某甲聽僧已與汝學
式又摩尼受持六法名式又摩尼汝得具滿
和尚尼具滿阿闍梨尼具滿比丘尼僧得具
滿行處得具滿國土得轉輪王願汝今已滿
當恭敬三寶佛寶法寶僧寶和尚尼阿闍梨

尼恭敬上中下座當勤三學善戒學善定學
善慧學當修三脫門空無相無作當勤三業
坐禪誦經勸化作福行是諸法開涅槃門得
須陀洹果斯陀舍果阿那舍果阿羅漢果如
蓮華在水中日日增長開敷汝亦如是增長
道法後當受具足戒

釋師子法中 已獲難得戒 無難時難得
已得勿使空 頭面禮僧足 右繞歡喜去
以十利故與比丘尼結戒從今是戒應如是
說若比丘尼弟子不二歲學六法畜為眾者
波逸提波逸提者燒煮覆障若不悔過能障
礙道是中犯者若比丘尼弟子不二歲學六
法便畜為眾波逸提隨畜隨得波逸提第一
十一
事竟

佛在舍衛國爾時偷蘭難陀比丘尼弟子二

五七

六

歲學六法未作屬和尚尼羯磨便畜為眾是
中有比丘尼少欲知足行頭陀聞是事心不
喜種種因緣呵責言云何名比丘尼弟子二
歲學六法未作屬和尚尼羯磨便畜為眾種
種因緣呵已向佛廣說佛以是事集二部僧
知而故問偷蘭難陀比丘尼汝實作是事不
答言實作世尊佛以種種因緣呵責云何名
比丘尼為弟子二歲學六法未作屬和尚尼
羯磨便畜為眾種種因緣呵已語諸比丘以
十利故與比丘尼結戒從今是戒應如是說
若比丘尼弟子二歲學六法未作屬和尚尼
羯磨便畜為眾波逸提波逸提者燒煮覆障
若不悔過能障礙道是中犯者若比丘尼弟
子二歲學六法者未作屬和尚尼羯磨便畜
為眾波逸提隨畜隨得波逸提第一
十二
事竟

佛在舍衛國爾時諸比丘尼為畜眾故受勤苦為浣衣染衣割截簪縫諸弟子受大戒竟捨和尚尼去諸比丘尼聞是事呵責言是不吉弊女我為汝作衣浣衣染衣割截簪縫受大辛苦受大戒已便捨我去種種因緣呵已向佛廣說佛以是事集二部僧語諸比丘從今聽比丘尼二歲隨逐和尚尼以十利故與比丘尼結戒從今是戒應如是說若比丘尼受大戒已不二歲隨和尚尼波逸提波逸提者燒煮覆障若不悔過能障礙道是中犯者若比丘尼受大戒已不二歲隨和尚尼波逸提隨不隨逐和尚尼隨得波逸提第一百一十三事竟佛在舍衛國爾時偷蘭難陀比丘尼畜眾不與財法諸弟子言和尚尼何不與我等財法偷蘭難陀比丘尼言我不與汝等財法諸弟

子言若不與財法與我等者當餘處去偷蘭難陀言佛結戒汝等應二歲隨逐我若餘處去得波逸提罪是中有比丘尼少欲知足行頭陀聞是事心不喜種種因緣呵責言云何名比丘尼畜弟子不與財法種種因緣呵已向佛廣說佛以是事集二部僧知而故問汝實作是事不答言實作世尊佛以種種因緣呵責云何名比丘尼畜弟子不與財法種種因緣呵已語諸比丘以十利故與比丘尼結戒從今是戒應如是說若比丘尼畜弟子不與財法波逸提波逸提者燒煮覆障若不悔過能障礙道是中犯者若比丘尼畜眾不與財法波逸提隨不與隨得波逸提第一百一十四事竟佛在舍衛國爾時偷蘭難陀比丘尼畜姪女為眾是姪女比丘尼中前著衣持鉢入舍衛

城乞食是中有居士作是言我曾共是比丘
尼作如是如是事此比丘尼聞是事心不喜
向諸比丘尼說諸比丘尼以是事向佛廣說
佛以是事集二部僧知而故問偷蘭難陀比
丘尼汝實作是事不答言實作世尊佛以種
種因緣呵責言云何名比丘尼畜婬女為眾
種種因緣呵已語諸比丘尼從今不應畜婬
女為眾畜者突吉羅若有因緣畜者應將遠
本處五由延若六由延以十利故與比丘尼
結戒從今是戒應如是說若比丘尼畜婬女
為眾不遠本處五六由延波逸提波逸提者
燒煮覆障若不悔過能障礙道是中犯者若
比丘尼畜婬女為眾不遠本處五六由延波
逸提隨不遠去隨得波逸提第一百五事竟
佛在舍衛國爾時偷蘭難陀比丘尼畜未滿

二十歲童女為眾是中有比丘尼少欲知足
行頭陀聞是事心不喜種種因緣呵責云何
名比丘尼畜未滿二十歲童女為眾種種因
緣呵已向佛廣說佛以是事集二部僧知而
故問偷蘭難陀比丘尼汝實作是事不答言
實作世尊佛以種種因緣呵責云何名比丘
尼畜未滿二十歲童女為眾種種因緣呵已
語諸比丘以十利故與比丘尼結戒從今是
戒應如是說若比丘尼畜未滿二十歲童女
為眾波逸提波逸提者燒煮覆障若不悔過
能障礙道是中犯者若比丘尼畜未滿二十
歲童女為眾波逸提隨畜隨得波逸提第一
百一
十六
事竟
佛在舍衛國爾時偷蘭難陀比丘尼未作屬
和尚尼羯磨畜二十歲童女為眾是中有比

丘尼少欲知足行頭陀聞是事心不喜種種
 因緣呵責云何名比丘尼未作屬和尚尼羯
 磨畜二十歲童女為眾種種因緣呵已向佛
 廣說佛以是事集二部僧知而故問偷蘭難
 陀比丘尼汝實作是事不答言實作世尊佛
 以種種因緣呵責云何名比丘尼未作屬和
 尚尼羯磨畜滿二十歲童女為眾種種因緣
 呵已語諸比丘以十利故與比丘尼結戒從
 今是戒應如是說若比丘尼滿二十歲童女
 未作屬和尚尼羯磨畜為眾者波逸提波逸
 提者燒煮覆障若不悔過能障礙道是中犯
 者若比丘尼未作屬和尚尼羯磨畜滿二十
 歲童女為眾波逸提隨畜隨得波逸提第一
十七
 佛在舍衛國爾時偷蘭難陀比丘尼畜孝女

為眾是孝女比丘尼不誦經不問答不坐禪
 諸比丘尼問言汝何以不讀誦經問答坐禪
 答言諸善女我父死母死兄死弟死姊妹兒
 女死夫壻死故憂愁云何能讀誦經問答坐
 禪是有比丘尼少欲知足行頭陀聞是事
 心不喜種種因緣呵責云何名比丘尼畜孝
 女為眾種種因緣呵已向佛廣說佛以是事
 集二部僧知而故問偷蘭難陀比丘尼汝實
 作是事不答言實作世尊佛以種種因緣呵
 責言云何名比丘尼畜孝女為眾種種因緣
 呵已語諸比丘以十利故與比丘尼結戒從
 今是戒應如是說若比丘尼畜孝女為眾波
 逸提波逸提者燒煮覆障若不悔過能障礙
 道是中犯者若比丘尼畜孝女為眾波逸提
 隨畜隨得波逸提第一
十八
事竟
十七

佛在舍衛國爾時偷蘭難陀比丘尼畜有男女自隨女人為眾是比丘尼中前著衣持鉢男女前後圍繞共行乞食諸居士共相謂言汝知不諸沙門釋子作姪欲人共比丘尼僧坊中生兒女是中有比丘尼少欲知足行頭陀聞是事心不喜種種因緣呵責言云何名比丘尼畜將男女自隨女人為眾種種因緣呵責已向佛廣說佛以是事集二部僧知而故問偷蘭難陀比丘尼汝實作是事不答言實作世尊佛以種種因緣呵責云何名比丘尼畜將男女自隨女人為眾種種因緣呵已語諸比丘以十利故與比丘尼結戒從今是戒應如是說若比丘尼畜有男女自隨女人為眾波逸提波逸提者燒煮覆障若不悔過能障礙道是中犯者若比丘尼畜有男女自

宜七

十一

隨女人為眾波逸提隨畜隨得波逸提第一百

十九事竟

佛在舍衛國爾時偷蘭難陀比丘尼畜惡性女人為眾是中有比丘尼少欲知足行頭陀聞是事心不喜種種因緣呵責言云何名比丘尼畜惡性女為眾種種因緣呵已向佛廣說佛以是事集二部僧知而故問偷蘭難陀比丘尼汝實作是事不答言實作世尊佛以種種因緣呵責云何名比丘尼畜惡性女為眾種種因緣呵已語諸比丘以十利故與比丘尼結戒從今是戒應如是說若比丘尼畜惡性女人為眾波逸提波逸提者燒煮覆障若不悔過能障礙道是中犯者若比丘尼畜惡性女人為眾波逸提隨畜隨得波逸提

第一百二十事竟

佛在舍衛國爾時偷蘭難陀比丘尼滿二十歲童女不二歲學六法畜為眾是中有比丘尼少欲知足行頭陀聞是事心不喜種種因緣呵責言云何名比丘尼滿二十歲童女不二歲學六法畜為眾種種因緣呵已向佛廣說佛以是事集二部僧知而故問偷蘭難陀比丘尼汝實作是事不答言實作世尊佛以種種因緣呵責云何名比丘尼滿二十歲童女不二歲學六法畜為眾種種因緣呵已語諸比丘以十利故與比丘尼結戒從今是戒應如是說若比丘尼滿二十歲童女不二歲學六法畜為眾波逸提波逸提者燒煮覆障若不悔過能障礙道是中犯者若比丘尼滿二十歲童女不二歲學六法畜為眾者波逸提隨畜隨得波逸提爾時諸比丘尼不知云

第七

十二

何為六法佛言共四波羅夷及髮際至腕膝以上受八事示貪著相是名六法第一百二十一事竟佛在舍衛國爾時偷蘭難陀比丘尼滿二十歲童女二歲學六法不作屬和尚尼羯磨畜為眾是中有比丘尼少欲知足行頭陀聞是事心不喜種種因緣呵責云何名比丘尼滿二十歲童女二歲學六法不作屬和尚尼羯磨畜為眾種種因緣呵責已向佛廣說佛以是事集二部僧知而故問偷蘭難陀比丘尼汝實作是事不答言實作世尊佛以種種因緣呵責云何名比丘尼滿二十歲童女二歲學六法不作屬和尚尼羯磨便畜因緣呵已語諸比丘以十利故與比丘尼結戒從今是戒應如是說若比丘尼滿二十歲童女二歲學六法不作屬和尚尼羯磨便畜

為眾波逸提波逸提者燒煮覆障若不悔過

能障礙道是中犯者若比丘尼滿二十歲童

女二歲學六法不作屬和尚尼羯磨便畜為

眾波逸提隨畜隨得波逸提第一百二
十二事竟

佛在王舍城爾時助調達比丘尼常入出他

家有居士婦言汝度我出家比丘尼言汝與

我鉢我當度汝與我衣戶鉤時藥時分藥七

日藥盡形藥我當度汝出家居士婦言汝等

客作度人耶是比丘尼言爾他日諸善比丘

尼至是居士舍居士婦問言汝等實客作度

人耶善比丘尼言誰作是語居士婦言我語

助調達比丘尼汝當度我出家便語我言與

我鉢來我當度汝與我衣戶鉤時藥時分藥

七日藥盡形藥我當度汝是有比丘尼少

欲知足行頭陀聞是事心不喜呵責言云何

名比丘尼作是言汝與我鉢與我衣戶鉤時

藥時分藥七日藥盡形藥我當度汝種種因

緣呵已向佛廣說佛以是事集二部僧知而

故問助調達比丘尼汝實作是事不答言實

作世尊佛以種種因緣呵責云何名比丘尼

作是言汝與我鉢衣戶鉤時藥時分藥七日

藥盡形藥我當度汝佛種種因緣呵已語諸

比丘以十利故與比丘尼結戒從今是戒應

如是說若比丘尼作是言若汝與我衣鉢戶

鉤時藥時分藥七日藥盡形藥我當度汝波

逸提波逸提者燒煮覆障若不悔過能障礙

道是中犯者若比丘尼作是言汝與我鉢衣

戶鉤時藥時分藥七日藥盡形藥我當度汝

皆波逸提隨作是語隨得波逸提第一百二
十三事竟

佛在舍衛國爾時舍衛國居士有婦不隨夫

教以手脚打驅出自舍有比丘尼常入出是
 家婦往至比丘尼所是居士到餘聚落作是
 念我婦將無走去耶還舍覓不得居士念言
 我婦必往至比丘尼精舍居士復作是念置
 使在彼令調伏後當將還是婦五六日住已
 語所知識比丘尼善女何不度我答言汝壻
 尚五七在云何度汝婦言夫不用我若須我者應
 當自來亦當遣使比丘尼即度令出家是居
 士聞婦出家瞋恚語婦師言汝惡比丘尼賊
 比丘尼汝破我家何故破汝家答言奪我婦
 作比丘尼比丘尼言此是汝婦汝便將去諸
 居士呵責言諸比丘尼自言善好有功德主
 不聽便度他婦如王夫人大臣婦是中有比
 丘尼少欲知足行頭陀聞是事心不喜種種
 因緣呵責言云何名比丘尼主不聽便度他

婦種種因緣呵已向佛廣說佛以是事集二
 部僧知而故問是比丘尼汝實作是事不答
 言實作世尊佛以種種因緣呵責云何名比
 丘尼主不聽便畜為眾種種因緣呵責已語
 諸比丘以十利故與比丘尼結戒從今是戒
 應如是說若比丘尼女人主不聽畜為眾者
 波逸提主不聽者有三種若未嫁女父母不
 聽若已嫁未至夫家者爾時兩邊不聽若已
 至夫家夫主不聽波逸提波逸提者燒煮覆
 障若不悔過能障礙道是中犯者若比丘尼
 夫主不聽便度波逸提隨不聽度隨得波逸
 提第一一二
十四事竟
 佛在王舍城爾時助調達比丘尼有大式叉
 摩尼可受大戒施越沙比丘尼見是大式叉
 摩尼即便語言汝何不受大戒答言助調達

比丘尼兇惡喜鬪我不欲從彼受大戒汝若
與我作和尚尼者我當受大戒施越沙言汝
二歲學六法我當畜汝為衆是大式叉摩尼
二歲學六法已語施越沙言汝語我二歲學
六法我當畜汝為衆我已二歲學六法汝當
畜我施越沙言我不畜汝何以故是助調達
比丘尼兇惡喜鬪諍自能傷他亦能教人作
以是故我不畜汝又言汝若不能畜我何以
教我二歲學六法若汝先不語我者我不二
歲學六法是有比丘尼少欲知足行頭陀
聞是事種種因緣呵責言云何名比丘尼語
他言汝二歲學六法我當畜汝後便不畜種
種因緣呵已向佛廣說佛以是事集二部僧
知而故問是比丘尼汝實作是事不答言實
作世尊佛以種種因緣呵責言云何名比丘

尼語他言汝二歲學六法我當畜汝後便不
畜種種因緣呵已語諸比丘以十利故與比
丘尼結戒從今是戒應如是說若比丘尼語
他言汝二歲學六法後當畜汝若不畜者波
逸提波逸提者燒煮覆障若不悔過能障礙
道是中犯者若比丘尼語他言汝二歲學六
法我當畜汝後便不畜者波逸提隨不畜隨
得波逸提第一百五二
十五事竟
佛在舍衛國爾時偷蘭難陀比丘尼歲歲度
弟子語諸弟子言我所入處汝等皆隨我入
若我有所得者汝亦當得偷蘭難陀比丘尼
一時著衣持鉢行乞食入一家得滿鉢去次
弟子入又得滿鉢去第二第三亦復次入居
士不能復與即閉門作是言誰能與是諸不
吉比丘尼食是有比丘尼少欲知足行頭

陀聞是事心不喜向佛廣說佛以是事集二
 部僧知而故問汝實作是事不答言實作世
 尊佛以種種因緣呵責偷蘭難陀比丘尼云
 何名比丘尼歲歲度弟子種種因緣呵已語
 諸比丘以十利故與比丘尼結戒從今是戒
 應如是說若比丘尼歲歲度弟子者波逸提
 波逸提者燒煮覆障若不悔過能障礙道是
 中犯者若比丘尼歲歲度弟子者波逸提隨
 歲歲度隨得波逸提不犯者若隔歲度一若
 二歲度一者不犯第一百二十六事竟

十誦律卷第四十七

五七

十七

音釋

縷隴主切 線也
 滌丁歷切 點滴也
 搨其亮切 施其於道曰
 羅與疎同
 薛蒲計切 薛蒲細切
 簪細切 深